

“Na slědach słowjanskich stawiznow we Wendlandźe”

Kubłanska wuprawa Serbskeho šulskeho towarstwa z.t. wot 05. do 9. meje 2019

Lubi čłonojo SŠT a dalši zajimcy,

džensa Was nětko wutrobnje přeprašujemy na našu lětušu wjacednjowsku jězbu. Zhromadnje ze zarjadom SŠT, ze stawiznarjom knjezom Wernerom Měškankom z Choćebuza a přihtowanskim wuběrkom smy zestajeli wotměnjawy program.

Njedźelu, 05. meje

Wotjězd z busom budže w 7.00 hodź. z A.-Beblowehe-naměsta w Budyšinje. Zwonkabydlacy dóstanu pisomnu informaciju k wotjězdej 14 dnjow do termina. Pojědźemy na Choćebuz, hdžež so knjez Werner Měškank a mandželska přidružita. Hižo po puću chcemy na někotrych městnach słowjanskeje zańdženosće, kaž pomnik serbskeje bohowki Ljuby w Lubinje, słowjanske sydlišća w Braniboru a klóšter ze słowjanskej wosebitosću w Lehninje, pozostać. Knjez Měškank budže nam tam stajnje wěste pozadki wuswětlić. Něhdže we 18.00 hodź. dojědźemy do města Ljosdy (Salzwedel). Tu mamy w hotelu “Union” štyri přenocowanja z wječerju a snědanju skazane (www.hotel-union-salzwedel.de).

Póndźelu, 06. meje

Dopódnja smy přeprašeni na přijěće pola měščanosty, knjeza Manfreda Liebhabera, w Lüchowje. Po tym rozhladujemy so skrótka po měsće. Pojědźemy dale do Woltersdorfa. Tu we wjesnej cyrkwi čaka na nas słowjanska překłapjenka. W wjesnym hosćencu budžemy k wobjedej slódnju Wendlandsku kwasnu poliwwu woptać. Popódnju změjemy wodženje po Lüchowje a smy přeprašeni do cyrkwy Swjateho Jana. W njej chce nas knjez probst Stephan Wichert von Holten wosobinsce přewodźeć. Tu ma Werner překłapjenku za probsta přihtowanu a naša skupina cyle wěsće po zwučenym wašnju kěrluš zaspěwa. Wróćimy so do Ljosdy. Tu změjemy čas, město tróšku zeznać.

Wutoru, 07. meje

Pojědźemy do Wustrowa, hdžež je skutkował farar Christian Hennig von Jessen, kiž je 1711 spisał knihu wo Drjewjanach. Dale podamy so do kulowca Satemin. Přizamknje so wopyt w kulowcowym muzeju w Lübelnje. Po připołdnišej přestawce wopytamy město Hitzacker. Tu móžemy zhladować na žiwjenje ludźi w bronzowej dobje, ale tež na architekturu “kładžitich chěžow”. Budže čas za kofejpiće. Wječor so zetkamy najprjedy z katolskim fararjom patrom Janom Maczugu a hnydom po tym z kruhom “Wendischer Freundeskreis Lüchow-Dannenberg” k rozmołwje a zabawje, snano tež k grilowanju.

Srjedu, 08. meje

Na tutym dnju chcemy krajinu Wendlanda bliže zeznać. W měsće Ljosdy wopytamy wuměštwowy muzej a bajkownu zahrodu, w Uelzenje dwórnišćo kultury a wobswěta (tworićel Hundertwasser) a w klóštrje Ebstorf apotekowy muzej. Dale widžimy klóšter Medingen, přirodny park wyšiny nad Łobjom “Drawehn” a twjerdžiznu Dömitz z krasnym wuhlodom na krajinu a Łobjo. Nawječor je zetkanje z narodnej drastowej a rejwanskej skupinu “de Öwerpetters” planowane.

Štwórtek, 9. meje

Po snědani podamy so na dompuć. Pozastanjemy w Džěwinje (Magdeburg) a wopytamy tamniši dom. Tu zhonimy zajimawe pozadki ze słowjanskich stawiznow. Budželi čas, pozastanjemy tež w Berlinje-Düppel a w Radušu. Po tym powjedže nas jězba na Choćebuz,

hdžež nas Měškankec wopušćitaj. Prjedy hač so rozeńdzemy, hišće zhromadnje w domiznje powječerjamy.

Tónkróć je předwidžane, zo so na našej jězbje někotři čěscy přećeljo Wernera Měškanka wobdžěla. Woni so hižo jara na serbski bus wjesela.

Wjeselimy so na zhromadne dožiwjenja, tež hdyž budu tu a tam drobne změny a wudospołnjenja trěbne.

Za tych, kiž dyrbjaja strowotnych přičin dla swój wozyčk sobu wzać, njebudu problemy.

Zo bychmy jězbu přewjesć móhli, je 30 wobdžělnikow trěbnych.

Wuprawa płaći za jednotliwca	430,00 €	(dwułożowa stwa)
	450,00 €	(jednowosobowa stwa)

Prosomy zajimcow, so hač do **10. měrca 2019** přizjewić.

tel.-čo.	03591 550214	knjez Hadank
tel.-čo.	03591 532433	Měrcin Krawc
e-mail	hadank-ssv@sorben.com	

Za wuprawu přepokazajće prošu sumu hač do **31.03.2019** na konto SŠT.

IBAN DE80 8707 0024 0619 8600 00
BIC DEUTDEBCHE
Deutsche Bank

Přispomnjenje: "Wendland"

Z přećelnym postrowom

Serbske šulske towarstwo z.t.

wuběrk wuprawy 2019